



**SAMOSTALNI SINDIKAT DRŽAVNIH SLUŽBENIKA
I NAMJEŠTENIKA U ORGANIMA DRŽAVNE SLUŽBE,
SUDSKOJ VLASTI I JAVNIM USTANOVAMA U FBiH
SARAJEVO**

**Broj: 01-IV- 560-1/17
Sarajevo, 21.07.2017. godine**

HITNO

**BOSNA I HERCEGOVINA
FEDERACIJA BOSNE I HERCEGOVINE
VLADA**

N/r gosp. Fadil Novalić, premijer

PREDMET: Zahtjev za povlačenje Zakona o izmjenama i dopunama Zakona o zaštiti od požara i vatrogastvu sa 23. redovne sjednice Predstavničkog doma Parlamenta Federacije BiH -traži se

Poštovani,

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji BiH (u daljem tekstu: Sindikat), predlaže da Vi kao premijer povučete Zakon o izmjenama i dopunama Zakona o zaštiti od požara i vatrogastvu sa 23. redovne sjednice Predstavničkog doma Parlamenta Federacije BiH.

Naime, ovaj Sindikat je na zajedničkom sastanku održanom dana 21.07.2017.godine, koji je na raniji zahtjev ovog Sindikata, zakazao direktor Federalne uprave civilne zaštite, istakao da prije utvrđivanja Nacrta ovog zakona nisu ispoštovana Pravila i postupci za izradu zakona i drugih propisa Federacije Bosne i Hercegovine („Službene novine Federacije BiH“, broj: 71/14), iz razloga što Federalna uprava civilne zaštite, kao obrađivač propisa, nije izvršila potrebne konsultacije pri pripremi Nacrta ovog zakona, već je Vlada utvrdila Nacrt Zakona o izmjenama i dopunama Zakona o zaštiti od požara i vatrogastvu bez konsultacija sa sindikatom kao socijalnim partnerom, što je suprotno i članu 2. i 41. Kolektivnog ugovora za službenike organa uprave i sudske vlasti u Federaciji Bosne i Hercegovine (Prečišćeni tekst) („Službene novine Federacije BiH“, broj: 23/17).

U konkretnom slučaju Federalna uprava civilne zaštite je prekršila i odredbe člana 56. Zakona o principima lokalne samouprave u Federaciji Bosne i Hercegovine, jer nije „u najvećoj mogućoj mjeri konsultovala jedinice lokalne samouprave putem Saveza općina i gradova Federacije BiH“, a što je bila obavezna.

I za ovaj Sindikat je nesporna obaveza izvršenja presuda Ustavnog suda Federacije BiH, pa i presude broj: U-9/16 od 30.11.2016.godine, kojom je utvrđeno da je članom 114. Zakona o zaštiti od požara i vatrogastvu („Službene novine Federacije BiH“, broj: 64/09) povrijeđeno pravo na lokalnu samoupravu Općine Maglaj, jer su joj nametnute obaveze bez dodjele sredstava potrebnih za njihovo djelotvorno obavljanje.

Međutim, nacrt Zakona o izmjenama i dopunama Zakona o zaštiti od požara i vatrogastvu sadrži 57 članova i ovaj Sindikat traži da se isti povuče sa 23. redovne sjednice Predstavničkog doma Parlamenta Federacije BiH i obave konsultacije putem formiranja radne grupe koja će uključiti stručnjake iz ove oblasti, odnosno predstavnike Federalne uprave civilne zaštite,

doma Parlamenta Federacije BiH i obave konsultacije putem formiranja radne grupe koja će uključiti stručnjake iz ove oblasti, odnosno predstavnike Federalne uprave civilne zaštite, predstavnike Saveza općina i gradova u F BiH i predstavnike ovog Sindikata, kako bi se sačinio kvalitetan nacrt ovog Zakona, kojim će se prije svega, postići njegova svrha u smislu boljeg funkcionisanja zaštite ljudi i imovine u Federaciji BiH, pri čemu će Vlada Federacije BiH obavijesti Ustavni sud Federacije BiH, da je na taj način pristupila izvršenju presude Ustavnog suda broj: U-9/16.

Ovaj Sindikat je mišljenja, da je i do sada pokazao dobre namjere i kompetentnost u socijalnom dijalogu, koji je u interesu i Vlade i članova ovog Sindikata, te očekujemo da će te i Vi uvažiti naš zahtjev.

S poštovanjem,

DOSTAVITI:

- n/r Predsjedavajućeg,
- evidenciji,
- a/a.



Predsjednik Samostalnog sindikata

Samir Kurtović
mr. Samir Kurtović